

Арви күүкдин эк

Элст балгъсна Чернышевскийин нертә уульницд бәәси әмтс Григорий Васильевич Фоменкон бүлиг сәәнәр меднә. Эн бұл кедү дүнъгә ик болв чиги ни-неги.

Вася, Нина, Надя—әди өрүн болгън школд одна—гурвланнь нургън әдл. Татьяна Кузьминична теднән хот-хоолинъ өгәд, хувц-хунринъ үмсгәд, школднь йовултлан адгъад-сахняд гарна; экин седклд үрднъ мел урокасн оратн гисн болад, классд кергтә юмсан марги гисн болад гарна.

Герт үлдсн Люба, Сережа, Витя гурвна хоорнд бас заргъинъ кех кергтә. Любан бичдж бәәсн цаасиг Сережа булалдна.

—Ай, Татьяна, ягъсн цуцрлтан уга күмбчи?—гидж хаджудк үр гергднъ өврмдж кенә.

Тернь учрта. Долан-нәәми

бичкдүдин кир-нугъдинъ угъах кергтә, хагърха-шуурхагъинъ бүткх кергтә. Татьяна Кузьминична эн тоотиг цуцрлт угагъар кенә.

Фоменкон уугън күүкнъ Анна күргтәгъән Томск областъд көдлджәнә. Татьяна Кузьминична шидр теднәс бичг авсн, бичкн зе көвүн Мишән менд медәд, ик гидгәр байрлв. Николай гидг хойрдгч көвүнъ связист көдлдж бәәнә, Валя гидг күүкнъ ховц уйдг дасдж бәәнә.

Эн күндтә экин гаргъсн арви үрн арвули сәәхн менд бәәцхәнә, әди цугъар Төрскн орнутгинъ үнтә цергләчир болхн лавта.

Татьяна Кузьминична Фоменко Төрскидән үнлгдәд „Герой—эк“ гисн нер зүүв.

А. БАЛАКАЕВ.